

" TRE DONNE INTORNO AL COR MI SON VENUTE "

S'ancora m'è amicu lu " Distinu " ,
vòddu bulà cun técu a la mè' sòlti !!
Sarà maraigliosu lu caminu ,
in chista " evasiòni " da la Mòlti .

Cilcà cun técu la " felicitài "
no mi sarà difficili , nè vanu ;
chi sia puru in un Mundu luntànu :
tàn't'èmu tèmpu pa l' Eternitài !!...

Si la Tarra no è la spònda amèna
- lu pòltu di l' Amori dilicatu -
andemucinni , in l'Ària sirèna ,
a cilcà lu " Pianèta-Fultunatu " .

Paltìmu , comu 'èni , a la 'intùra ,
affidèndici a l'Àla di lu 'èntu ;
e l'illusìoni di lu " Sintimèntu "
sarà la bèdda " lèggi di Natura " .

" TRE DONNE INTORNO AL COR MI SON VENUTE "

I°

No una ma ...tre vòlти haggiu rasciòni
si ti dièu chi sé' istravaganti :
ORU...PRATTA..RUBINI..DIAMANTI...
avvéru - avvéru ..no sò' còsi bònι ??

Mi tiri in campu la RELIGIONI
cu esémpi d'Apòstuli e di Santi !...
chi' ti 'ulla ! palchè haggiu tantι
preclsi , adatti , giusti paragòni .

E di chi sò' li " chllchi " e l'ornamènti
pòsti in capu a istàtui e pittùri :
d'Oru , puru-zicchlnu , o sò' di latta ?

E li " riccàni " di li " paramènti " ,
li fiori , li bèddi cuscitùri
sò'di filu-di-fàrru....o sò' di PRATTA ??

II°.

E li " dinà " ..ca l'è chi ci li jètta :
li Ministri , li Re , li Diputati ?
In Senatu v'ha vècchi e malandàti ,
ma no v'ha manc' un pédi di POETA !!

Si sé' pazinziosu ..e tàndu aspètta
chi li " Ricchi " , pintuti e cunfissati ,
li " Marènghi " chi ténini adducati
li diani a li " còlci " fèndi incètta !!

A me - nè mi 'algògnu ! - mi piaci
la " munéta " : di dugna galitài :
sia d'òru , di pràtta , o di papéri .

Sissignòri ! chist'ultima ti faci
lu mattèssi silviziu (si n'hai !);
e poi chi la " càlta " ..è piú licéri !.

1°: Binidittu chi sia lu " Progressu " !
idd'è la " luci " di la " Civiltà " :
vultuliggia lu Mundu a lu rièssu :
trasfòlma li campagnì e li Cità .
Undi mànc'h'iddu...lu Tèmpu è arrèssu :
v'è l' OMU , ma no v'è l' UMANITAI !
Guàì undi no s'abbri lu caminu :
vi pòni pédi lu " Tristu-Distinu " .

2°: Idd'è sempri in cuntinu muimèntu ,
s'allàlga piú chi pò da und'è natu :
cùrri in " macchina " , in " trènu " , in " bastimèntu " :
bòla in l'ùltimu " Missili " lanciatu .
Pàssa in li libri da lu pinsamèntu ,
palch'è fiddolu di lu " Scenziatu " .
Invintat'una còsa , una scupàlta ,
scrì in pagina noa , sempr'abbàlta .

3°: No fàlta d'arrià und'è attésu ,
cu li sò' maraigli e li sò' dònì .
E' com'un Soli , un Fàru sempri accésu ,
alimintatu da la " passìoni " .
Lu Mundu occòltu ti faci palésu ,
ti cunsèlva l'immaggini e li sòni .
E la " Televisiòni " ? E' un pultèntu
chi superiggia dugna pinsamèntu !!

4°: Si pudissi , cuntèntu di lu ch'ha ,
l' OMU filmàssi e di' : " Sòcu arriàtu ! "
si no vullessi in prìculu campà ,
tirènd'innanzi senza cuidàtu ,
si vullessi a lu " ch'è " rinunzià...
li bastaria lu ch'ha invintatu !!...
E invècci , arriàtu a un traguàldu
l'OMU ripàlta ; e li pari fa' tàldu !

5°: Aràldu immaginosu , risplendènti ,
nimmicu di lu bùggiu e di la Mòlta ,
sòna la trèmba di lu " cumbattènti "
contr'a dugna dulari e malasòlta .
Pàssa lu Céli , arréa a dugna jènti ;
cùrri pal Mari a li luntàni pòlta .
Fòlta , ustinatu , splendidu , fatàli ,
lu " PROGRESSU " è la 'lta in l' IDEALI .